



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03-02-34-28095-4/22

Sarajevo, 31. 01. 2022. godine

ISTINOMJER

Ul. Gabriele Moreno Locatelli 21, 71000 Sarajevo, BiH
n/r Amina Izmirlić Čatović

PREDMET: Odgovor, dostavlja se

Cijenjena,

uputili ste upit Ministarstvu za odgoj i obrazovanje u vezi s poboljšanjem prilika i statusa djece iz romske zajednice u obrazovnom sistemu Kantona Sarajevo, ovim putem Vam dostavljamo odgovor.

Želimo Vas informisati da je u skladu sa Okvirnim akcionim planom o obrazovnim potrebama Roma/Romkinja u Bosni i Hercegovini za period 2018. do 2022. godina u Ministarstvu za odgoj i obrazovanje 2019. godine formirana Komisiju za izradu Akcionog plana o obrazovnim potrebama Roma/Romkinja u Kantonu Sarajevo. Komisija je izradila Akcioni plan o obrazovnim potrebama Roma/Romkinja u Kantonu Sarajevo u maju 2019. godine i isti dostavila Romskom informativnom centru „Kali Sara“, te je Ministarstvo tražilo da se prijedlog akcionog plana dostavi ostalim romskim udruženjima u cilju pribavljanja prijedloga, mišljenja i sugestije na radnu verziju dokumenta.

Predstavnici Romskog informativnog centra „Kali Sara“, Sanela Bešić i Dervo Sejdić su dostavili mišljenje i molbu da se naveden dokument ne usvoji jer bez multisektorskog pristupa u rješavanju romske problematike nije moguće rješavati samo jedan segment u životu Roma. Istakli su da takav akcioni plan nije moguće realizirati jer nisu uključena relevantna resorna ministarstva, nije urađena analiza potreba Roma/Romkinja u Kantonu Sarajevo, a naročito što istim dokumentom nije planiran finansijski okvir niti osigurana budžetska sredstva za realizaciju mjera i aktivnosti.

Naime, stav Komisije koja je izradila prijedlog Akcionog plana je također, da je nemoguće pružiti odgojno-obrazovnu podršku djeci romske nacionalnosti ako nismo pružili podršku osiguranja optimalnih uvjeta za život, zdravstvene, socijalne zaštite i sigurnosti. Nakon navedenih aktivnosti na multisektorskim sastancima svih relevantnih ministarstava i organizacija u Bosni i Hercegovini koja se bave pitanjem podrške romskoj zajednici u organizaciji Ministarstva za ljudska prava i izbjeglice Bosne i Hercegovine predstavnicima Ministarstva je iznijela stav Ministarstva za odgoj i obrazovanje i stav romskih udruženja da je

nemoguće realizirati aktivnosti u oblasti podrške Romima u obrazovanju bez istovjetne podrške Romima u drugim segmentima njihovog života.

Nadalje, uz konsultacije sa Misijom OSCE-a u Bosni i Hercegovini i na njihov prijedlog, u cilju zaštite najranjivijih kategorija našeg društva, 2019. godine Ministarstvo je donijelo Pravilnik o prepoznavanju, prevenciji i zaštiti od diskriminacije u osnovnim školama („Službene novine Kantona Sarajevo“ 52/19) te je donošenjem navedenom Pravilnika naglašena zabrana bilo kojeg oblika diskriminacije u procesu odgoja i obrazovanja.

Važno je napomenuti da djeca romske nacionalnosti imaju osigurane besplatne udžbenike, užine u školama i da školske zajednice, preko Vijeća roditelja na različite načine pomažu sve učenike u stanju socijalne potrebe.

Početak pandemije izazvane koronavirusom Ministarstvo i škole su osigurale tehničku opremu za učenike u stanju socijalne potrebe, te su škole bile otvorene za učenike koji nisu imali mogućnost da prate online nastavu iz kuće.

U sklopu Projekta Caritasa Švicarske, Ministarstva za odgoj i obrazovanje i Javne ustanove „Djeca Sarajeva“ osigurano je finansiranje „Putujućeg vrtića“ u koji se uključuju djece pred polazak u školu, koja ne pohađaju vrtić te koja su u stanju socijalne potrebe. Ovim projektom je uključen značajan broj djece marginaliziranih skupina i stanja socijalne potrebe u pohađanje Obaveznog predškolskog programa u godini pred polazak u školu.

Koristimo priliku informisati Vas da je ministrica Hota-Muminović u januaru 2022. godine održala sastanak sa predstavnicima Udruženja „Kali Sara“, predsjednicom Sanelom Bešić i gospodinom Dervom Sejdić. Na sastanku je razgovarano o unapređenju uvjeta za obrazovanje učenika romske nacionalnosti. Također, ministrica je istakla da će u narednom periodu aktuelizirati temu različitih vidova podrške inkluziji Roma u Kantonu Sarajevo i najavila izradu **interresornog** Akcionog plana za pitanja od značaja za Romsku zajednicu.

Ministarstvo za odgoj i obrazovanje će intenzivno raditi na poboljšanju prilika za sve učenike u stanju socijalne potrebe kako bi sva djeca/učenici imala jednake uvjete za pohađanje predškolskih ustanova, osnovnih i srednjih škola. Odgoj i obrazovanje je značajan segment socijalne inkluzije, jer od njega zavise zapošljavanje i materijalna nezavisnost pojedinca.

S poštovanjem,



MINISTRICA

Naida Hota-Muminović

Dostaviti:

1. Naslovu
2. a/a



web: <http://mo.ks.gov.ba>
e-mail: mo@mo.ks.gov.ba
Tel: + 387 (0) 33 562-128.
Sarajevo, Reisa Džemaludina Čauševića 1

